

永樂大典

第七册

永
樂
大
典

第七册

中華書局

圖書在版編目(CIP)數據

永樂大典/(明)解縉等奉敕纂. -北京:中華書局,1986.1
(2012.3重印)
ISBN 978 - 7 - 101 - 08405 - 4

I. 永… II. 解… III. 百科全書－中國－明代 IV. Z224

中國版本圖書館 CIP 數據核字(2011)第 250589 號

責任編輯：李 靜

永 樂 大 典

(全十一冊)

[明]解縉等奉敕纂

*

中華書局出版發行

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

北京瑞古冠中印刷廠印刷

*

787 × 1092 毫米 1/16 · 672 印張

1986 年 1 月第 1 版 2012 年 3 月第 2 版

2012 年 3 月北京第 4 次印刷

印數:5001 - 5500 冊 定價:7800.00 元

ISBN 978 - 7 - 101 - 08405 - 4

第七冊目錄

卷一四四六三	六三六四
卷一四五六四	六三七五
卷一四五三六	六三八六
卷一四五三七	六三九六
卷一四五四四	六四〇八
卷一四五四五	六四二三
卷一四五四五	六四三五
卷一四五七四	六四三五
卷一四五七五	六四五一
卷一四五七六	六四六七
卷一四六〇七	六四七五
卷一四六〇八	六四八四
卷一四六〇九	六四〇一
卷一四六二〇	六五〇六
卷一四六二一	六五三〇
卷一四四六二	六三五一
卷一四三八四	六三三二
卷一四三八五	六三三七
卷一四三八三	六二九三
卷一四三八二	六二八二
卷一四三八一	六二六六
卷一四二一八	六二三七
卷一四二一七	六二三三
卷一四一三一	六二〇五
四靈	

永樂大典

第七册目錄

卷一四六二二

六五三六

卷一四六二十四

六五五三

卷一四六二五

六五六三

卷一四六二六

六五七四

卷一四六二七

六五九〇

卷一四六二八

六六〇八

卷一四六二九

六六三二

卷一四六二〇七

六六三七

卷一四七〇八

六六五四

卷一四七〇七

六六六九

卷一四八三七

六六八三

卷一四八三八

六六九九

卷一四九一二

六七三三

卷一四九四七

六七三二

卷一四九四九

六七四七

七泰

卷一四九九八

六七五四

卷一四九九九

六七五四

卷一五〇七三

六七八五

卷一五〇七四

六七八五

卷一五〇七五

六七八九

卷一五一三八

六八〇一

卷一五一三九

六八一二

八隊

卷一五一四〇

六八二三

卷一五一四一

六八三一

卷一五一四二

六八四五

卷一五一四三

六八五五

九震

卷一五八六八

六八七九

卷一五八六九

六八八六

卷一五八七〇

六八九六

卷一五八七三

六九〇六

卷一五八七四

六九一五

卷一五八七五

六九二一

卷一五八九七

六九三二

卷一五八九八

六九四四

卷一五九四八

六九五二

卷一五九四九

六九六三

卷一五九五〇

六九七四

卷一五九五一

六九八四

卷一五九五五

六九九一

卷一五九五六

七〇〇二

十翰

卷一六三四三

七〇〇九

卷一六三四四

七〇三三

十二囂

卷一六八四一

七〇三六

卷一六八四二

七〇五二

十三嘯

卷一七〇八五

七〇七〇

十八漾

卷一八二〇七

七一〇四

卷一八二〇九

七一一一

卷一八二一二

七一二〇

卷一八二二三

七一二八

卷一八二二四

七二三五

卷一八二四四

七二四四

永樂大典

第七冊目錄

永樂大典卷之一萬四千一百三十一

四齋

第 及第五

宋汪玉山集及第謝丞相等清問楊廷復預詳延之列嚴宸賜居士號之先端義質之無虧玷魏科而非據凌統失次辭避莫追竊以國家之安危繫於人才之進退誠稱多士之衆必曰先王之時上而三事大夫下而百司庶府凡厥在位罔匪正人有臺有表者皆是也或薪或槱髦士攸寫若采邑於新田若著義於中沚顧俊以尊上帝養賢以及萬民所以用之而不窮抑亦求之焉有道始於教養終於廣與德進言揚廣開數路鄉舉里選曲盡群情敷奏其言也必明談而後庸論辨其才也必位定而後擇朝廷有責實之略君相有知人之明如其不然何以得此至於後世寢失遺風選舉法序故以塞人情而應故事仕進流冗類皆適時好而取世資止有取士之名士無學古之志雖曰無俗常以爲豪傑惟真今兼承丕緒體光舜之孝弟躬武之勤勞方當干戈多事之時不督科舉三年之制蓋欲講求於關政亦將搜攬於遺才共圖復古之康功仰繼得賢之

水樂大典卷之一萬四千一百三十一

一

盛事直於今日提尚空文宜有間出之異人來副旁招之妙還如某者賦才短拙累性顛蒙學僻而迂齒少且賤離疏釋僵粗求師友之淵湧研精覃思莫見聖人之涯淺姑守庸愚之分教萌僥倖之心以童稚無聞之人負質能所難之仰仰孤君父之意備是朋友之識追省其殆不知所處此蓋伏遇史館都督僕射相公者龜當代師表萬邦堂漢相之風赫赫周民之望有剛大不屈之氣足以任天下之事有誠明自得之學足以格君心之非技拾群才於士風彌夷之餘發明吾道於邪說縱橫之際載念章江之臨鎮獲觀泮水之規模漸漸薰蒸承德化獎提誨援曲倚奉儻遂宏材拔萃為一時之耆彦肇百辟之表儀明以保譽擇高風於赤松子任政成李吉甫之偏心益將植太平之基豈獨為諸生之賜某敢不益堅儒業恪守官箴勉求事之可為慕古人而有作不負天子惟彈精白之心願為良臣冀奉周旋之誨過此以往未知所裁張參政頗某官厚德鎮淳

康濟此露封章之請益聞震聰之聽獎勵進言得表宏中之大體深術謀而共政繼前位於曲江公欣振起斯文於委靡之餘遂將順其美以總納之際陳摶密識不某官裏純粹清明之姿富博洽宏深之學茂明大對擢桂林之一枝踐歷要途搏騰程之萬里風膚衣卷進握兵權材秉文武矣儒林之冠儀于從索之班承師槐市而既被作成奉對楓宸而後膺推獎李侍郎某其官模楷士流羽儀朝著分符使郡猶良遠過於襲黃持橐從班儒雅同稱於班馬比膺詔綱親職丈衡革委靡而振士風進忠謹求師友之淵源研思覃精見聖賢之涯淺姑守庸愚之分教萌僥倖之心以童稚無聞之人負質能所難之任仰孤君父之意動畏友朋之識追

省其私不知所處凌兢失次辭避無從某官蕭蕭斯文楷模後進揭二天之日月臨千里之江山遂令義爾之資亦玷蔽然之舉空慙晚學真伸拔旌淮撫躬知愧竊以奉言試功者充耳遺意臨軒取仕者祖宗令規一新熙寧之科備見神廟之志謂三題不足發子大夫平日之蘊蓄而群策可以陳我國家時政之闕遺若為永弃以幸多士夫何首當時之選者無切直之論遂使捷進士之對者有阿諛之議既波蕩以相承致源流之寢失近代尤甚流風益滋大臣多忌而動有嫌疑學者懷憤而莫伸梗槩物極必變道開始公申嚴密之禁而務在令行防壅蔽之害而悉開聖覽忠謙則丁寧有詔第高下則寵徒有辭既當清明不諱之朝宜得塊非凡之士如某草弟賤子庠序鰥生由行藝以進升廁英髦而旅試俯俗學業無可取之二三仰懼天威事去欲陳之五六念交淺言深猶或不可非主富臣貧其能有容龍匪怒其嬰鱗龜偶居於前列上自親推受知不減於孫洪略施行愷意有踰於賈誼靜惟涓滴抑有賓緣茲益伏遇僕射相公以道事君無私應物發羽儀於法從茂著忠嘉今掌握於化鈞並圖

水樂大典卷之一萬四千一百三十一

二

永樂大典

卷一四一三一

六二〇六

直言遂至銀牘首膺選擢。劉侍郎才邵某官學校舊人文章大手仁而己任興刑備者於老成道與時行德業兼全其父大峻班行於筆橐演誥命於絲綸坐張斯文提撕後進。王侍郎侯某官朝著老成士林頤望鑒被知於宸參久更踐於禁途出鎮侯藩揚黃霸備良之舉入司國計得劉晏取孚之寃故振起斯文於委靡之餘故將順其美於聽納之際。陳侍郎康白某官器粹珪璋學深淵海養著士林之望並膺宸眷之知高玉山恬養之風火海琳食復紫橐清華之舊趙禮天官欲振起斯文於委靡之餘故將順其美於聽納之際。張侍郎某官學海淵深量改宏大登著士林之望久膺宸眷之知居務論思豈獨得卓識之理發明仁恕益能紹廷尉之平欲振起斯文於委靡之餘故將順其美於聽納之際。王舍人瑜某官心醉六經名光四傑詞章典雅雅有漢朝制誥之風荷鑑精明繼先公考校之盛振起吾道主張斯文遂令舉首之榮盡屬宗盟之末趙舍人造某官挺秀坤維結知天眷某名龍首茂騰四海之英聲就筆螭頭益厚一人之寵遇振起吾道主張斯文遂令射策之謾聞輒繼傳衣之盛事周舍人解之某官魏推異封膺要職繼敵河漢詞章不減機雲羽儀天朝人物有如晉宋振起吾道主張斯文遂令義爾之才輒玷褒然之譽

永樂大典萬言三

三

孫少卿退人某官挺秀峨峨騰英庠序接黼黻之文於方冊蕩修儒之詠於薔蕪環闌來歸快郎星之先觀曲臺進擢仰月之清輝比掌文衡親承御札哲躅獨高於眾目狂言特屬於匹夫卒出自否恩歸有地周侍御方崇某官閣不回精忠自守雍容榮近鶴鷗而接夔龍排繁縟那若鷹鸞之逐鳥雀比膺詔緝親職文衡猥收狂率之言上副聖明之旨王殿院生某官愛氣剛方立朝挺正位升橫榻益揚塞謨之風望著中臺免盡紓繩之職力主張於公道務振起於斯文遂致委膺叨膺選擢凌司諫告某官勤持不回端方自守直言中病有王魏善諫之風養蒙屢焚無官晏君之失力主張於吾道務振起於斯文遂致膺膺選擢

拜瀛洲之長有光吾道時振斯文遂令蒐蕪之沛首被甄收之列陳默堂集代鄭彥通及窮謝陳達野運便啓草茅賤古瞻日月之餘光耀柏喬

儒奉絲綸之明語此古人難以必遇在今日乃得盡言敢論末第之微但虔平生之幸竊以三代賢能之書廢兩漢選舉之法疎道不同條人為異趣華藻名家之學激昂死黨之風因循東晉之清虛熟爛李唐之詞賦功名富貴尚多有之用舍行藏無足道者賈太傅因讒夫而傷克張廷尉敗高論以徇君十事要功甚矣姚崇之講三書自薦惜哉韓愈之卑賢者未免有疵故人未復何望若夫顏子之樂陋巷孟氏之游諸侯其處也藏器待時其出也殉身以道亦曰得君而後用固非異俗以為高方嘉會千載難逢適大聖萬世一遇宜展山林之素蘊以膺廟廟之旁求志雖止於夜貧進不妨於行義此所以盟心鐵硯製飯糰圓雖缺憾不利於子孫而焚舟必期於圖窮如某者歛欵屋落真可答潦倒羸跡已不堪學詩每懼面牆下筆固無勝事流落喪家之狗浮沉水上之萍久侍詔於公車屢隨書於禮部周全反復者四千里不啻險阻艱難者二十年有餘呵故將於夜中誰非醉尉辱王孫於膝下蓋是少年趁時自不知工立意誠亦有待乃者長貽譏於畫虎安有意於連鷺後緣鄉吏之薦名遂預春官之別考孤軍當隱遂屬失群不圖寒族之微恭在貲游之末雖道義無路空餘寸草之心然擣檄承顏不負一經之教靜量委稿蓋有實錄此蓋伏遇某官道大兼容仁深器育一麾南園二載故鄉衣錦飛榮復擁八城之寄登車思治坐令萬物之春曾是品題致蒙收錄念昔與褐而稱客于今飲板以趨庭雖禮數之相違諒故情之猶在竹頭木屑既叨暇日之枚馬勃牛湧顧備異時之用迺此以往某知所載鄭剛中北山集謝及第榜丹墀侍問謾懷千慮之愚清榮臚傳繆玷三人之列省躬脩潔聞命震皇篇以取士之科得人為貴然在上者或偏私而自用則在下者多諂媚以求名苟容沒點之忠豈乏劉蕡之集圖家遺雅極否數啟中興於干戈僅急之時講科舉必行之至來此多士坐之廣庭聖詔謙恭深見虛懷之意眾心感激誰非流涕之人宜得英材或得優選如某者東陽令族向巷貧家虛公業於半生耻姓名之三上昔遊學校妄求烏喙以充飢回顧詩書似種石田在歐廳之數深惟忝冒實有寅緣此蓋僕射相公學貫古今材兼將相以周公伊尹之業為已倍以宣王光武之事望吾君機務益繁智力旁出取虞淵之日再俾光明堅魏闕之心不辭險阻大慰蒼生之望實為洪業之

永樂大典萬言三

四

基永鑒寶水無煩乞火致茲庸瑣眷預甄陶甚敢不益勵前修翫後效不能衝蹠過為私己之謀惟有朴忠無負恩門之賜過此已往未知所裁

葛立方歸愚集謝及第營提無援之孤寡謂當折北奮甲飛之弱羽敢冀圖南怨驚較藝以奏名繼昌臨軒而賜第蓬辰特幸獨分美堪竊以幽莫重於人材士要先於器識虞夏商周之際本德義以明揚秦漢隋唐以來用文詞而博舉蓋深於涵養則其歸必至禪厚而慎於踐履則所到

未易以測量惟廢主之作成斯賢才之觀化國家偶中否之運聖工挺勃興之資當用武而尤急於搜賢方在疚而不忘於試士以賢良顧後仍舉三年取士之制以詩賦論材而兼求六經探道之人既容門子之登壇又集宗英而戰藝欲伏俊髦之眾共扶基本之彊宜得英能以光拔舉如某者碌碌餘子空空鄙夫早被訓於鯉庭旋振衣於虎背大小戰首未十年抱犧懷鈴屈首短檠之燈火汗顏血指何心長鍊之卑魚得齒官聯本綠門調侵尋歲月奔走塵埃念弟兄中第者四人而父祖聯科者三世失書陵之步恐負初心學矣氏之吟期承素業再鼓餘音復理舊文旅筆陣之千人競鉛刀於一剗取圖精鑒不棄下材矧避旁親之嫌闊付別頭之憾紛然多士取者五人非夙荷於吹噓豈遑容於叨冒茲蓋伏遇某官

未易以測量惟廢主之作成斯賢才之觀化國家偶中否之運聖工挺勃興之資當用武而尤急於搜賢方在疚而不忘於試士以賢良顧後仍舉三年取士之制以詩賦論材而兼求六經探道之人既容門子之登壇又集宗英而戰藝欲伏俊髦之眾共扶基本之彊宜得英能以光拔舉如某者碌碌餘子空空鄙夫早被訓於鯉庭旋振衣於虎背大小戰首未十年抱犧懷鈴屈首短檠之燈火汗顏血指何心長鍊之卑魚得齒官聯本綠門調侵尋歲月奔走塵埃念弟兄中第者四人而父祖聯科者三世失書陵之步恐負初心學矣氏之吟期承素業再鼓餘音復理舊文旅筆陣之千人競鉛刀於一剗取圖精鑒不棄下材矧避旁親之嫌闊付別頭之憾紛然多士取者五人非夙荷於吹噓豈遑容於叨冒茲蓋伏遇某官

永樂大典

五

永樂大典

六

中興基持後學著蘆斯文魯國之真儒此道萬民之先覺每品題於人物用培植於邦基持猶不違是亦教誨而已貳微恭取而死親失者尤實有寅緣致此伉儷某敢不格尊士檢寫守官常勉所不能贊其不及龍門杳杳粗逃點額之羞大漢追遠更假乘輜之便王漢濱先生集謝及第營階任子之恩已累賤役應興賢之詔復忝巍科備鄙分以非冥撫跡才而自愧竊以國家惟百年之計留意人才學者以一日之喜致身科目凡彼公卿之蹊徑悉由文字以權輿始類浮文終收實用遂使清朝篤意謂糊書名等甲乙於春官之考訓辭甚切聖意有加精求賦日之才傳未滿時之略諳其脉律蓋將觀組織之工訪以古令所以考經綸之術自非詞兼嚴體才擅數長則何以副垂哲之旁求處英賢之上列如某者衣冠寒族庫序晚生無遺觀廣覽之資有孤陋寡聞之累專心弱歲攻書細以徒勞刻意前修誠韋絃而自飭妄起功名之意早遊教化之原博士一經生徒數載月程文藝屢收得萬之功秋賦賢能亦在先鳴之列自詭穿揚之裔

不知拾芥之難龍門未躍於西河鯨鬚遂掀於東海合繩以出彈鋏而歸繼縹風樹之悲無復星槎之興十年兵火脫盜賊於中原萬里風波從戎冠而南渡講道於絕糧之際談經於弛擔之餘素患難以安行嘗陰艱而已備偶緣世賞復廁官聯鐵達鑄硯之心金負滿篇之訓絕意冥鵬之寥廓甘心斥鶴之翱翔然素業傳家懷弓冶箕裘之隨青衫入仕有塵埃撲楚之羞痛自激昂載加勉勵家無文史重興五厄之嗟官有薄晝更苦三餘之窮心耗於囊中之句目首於槩下之書過時已覽於難成中道駛思於自盡向用朝廷之事皆許還首善之薦名求求禮部之選倫偶犯有司之程度躡跡遂蹶烟氣空呈復出翅於回谿獨倚輪於虞陰功同援臂疑骨相之難封命肖龍章恨神仙之多障有求弗獲欲罷不能屬詔肆之肆頗屬辭鋒而再鼓既與漕臺之計復觀王國之光明來集四海之英類出盡一時之秀時方用賊皆升堂入室之流士必通經多專門名家之學王有荆山之鰻珠無滄海之道可謂盛哉吁足畏也方錙錄之必較怒據執以居前然而求劍舟守舊方而甚滞好字號愁追時態以尤躁丈或病其雕蟲技幾成於畫虎既瑕瑜之不掩宜葑菲之俱遠何圖耽破之詞猶玷公明之選人非東晉莫與劉惔之流賦異阿房於居杜牧之下尚次甲

榮而祗懷。伏念其得休大席。爰自孤童。意厲而材卑。心空而質薄。磨礪撲斲。每勤匠氏之功。長養護持。倍費煥師之力。訖無堪擇。徒閱歲年。以至過走師門。攫交多士。指南所自。發軔云祀。皆君子之使然。非小生之能爾。誰知末路。寢失本心。以平生之所聞。望有司而求售。江湖巨浸。中道而乃肇。汚潢培塿。學山卒歲。而僅同丘壤。尚祈誘掖。使有依歸。恭惟某官。盛德典刑。斯文羽翼。忘名忘志。忘死忘生。從造物之游。呼馬呼牛。一聽時人之目。江山空坐。教部傳尼。稱斯世之龍門。威指當今之兵下。者年如衡武。多齒若南堯。行膺三老之采。無復五噫之歎。某敢不力行舊學。先謹官箴。無愧前哲。庶幾後風。既下酬於素志。亦上報於深知。史浩鮮奉真隱漫錄。及第謝恩。不盖韻士。太師啓。蘭省奏名。忝參八士。楓宸唱第。復玷丙科。得遇所期。榮不盖韻。竊以先王政治。宜莫急於賢能。後世取人。乃獨詳於科目。自庠序之商周。周之教養。故師友無游夏之淵源。黨同伐異者。皆訓詁之虧儒。丈叢用寡者。類形刻之童子。好惡已殊於鑒納。取舍每病於參商。既亦背馳。誰其兼善。聖君有為之日。正賢輔相連之秋。崇雅黜浮。變斯民之耳目。息邪距詖。誠告道之紀綱。探義理於聖人之言。贊人之賦。詞人之賦。近酌祖宗之遺制。遠追唐虞之頌風。合而一科。期於兩盡。詔音所主。士無

霖雨之命而追高宗歌清風之詩而繼宣后三歲定棘闈之制四門多
市之游博採布帛駕諸侯之輶傳申求閭閻與刺史之計偕賦稅凌雲豈
惟司馬經明拾芥不數夏僕率歸典雅之流盡去浮華之習穠然出當是
舉。翁爾咸高其才。至於雄據上游蓋亦鬱名士顧茲殊選宜屬可人如
某者湖海窮徒乾坤長物鯉庭一間已繹陟步之悲軒室三遷高賴斷機
之訓。啜菽每慊於養志荷鉤敢怠於帶經。雪積貧庵飽聽育中之更漏
開葉脫繁經林下之春秋屬連僵革之時。遂起碑冠之興秋天篇鴉潛
嘗預於後塵春化魚天路俄聞於首唱事既分於霄壤勢因陽於仙凡
懷卡和泣王之誠耽辭再屏舉孟明焚舟之策當在此行果還跡於荀龍
復外香於都桂雖處長掣大未足為優而吹嘘生豈無所自茲蓋伏遇
某官道優聖域文援圓華詵張談經辭向歆之立異形輝射棗鹿昆黃之
未言遂結主知允諦人望。北門視草煥王者之絲綸東觀提綱諸儒之
領袖居之甚寵運也未央行超青瑣之班耶拜白麻之詔門庭瑞氣森然
盡戰之旁位處台蹠美矣縕衣之並牧尚勤於吐握成人每借於齒牙
致此辱膺亦蒙采錄某敢不益堅操履深懇進修附驥攀躋猶念昔年之
場屋慧刀錯玉正祈此日之陶鑄誓竭駕力仰酬洪造陳止齋集及第謝
陳克齋先生啓。壯面受璽雙厠青衿之列南宮擢第偶收黃卷之功。起
自布韋齒之簪紱爰就櫟拂偃歸恩竊以學之邪正繁乎所傳道之廢
興視其所攬事無偏舉理實相資故傳之得其密則若升泰岱而知衆山
儻授之非其人則必下喬木而入幽谷。在人之取友必端矣而此亦擇善
而從之。予易所以當明辨物正言莫難探赜而師所以傳道授業解惑實
藉舉隅是以漢人之言本之田何焦生之說託之孟氏苟不有先覺之民
為之倡則孰能使後進之士知所從伏念某知識迂踈氣質平下掘井而
幾為廢井。學山而不至於高山彫蟲篆刻而旋覺其非。切摘韋編而深遭
其旨。自志於學已近焉今數十年結髮從師雖未若施蹕之久三萬言訓
故舉義乃幸讀了公之書故今微蹶。蓋竊夫穩恭惟其宣愛天閑氣為世
儒宗含英咀華而作文章研精覃思以立訓傳偶樓遲於枳棘即騰踔於
雲霄而樂善無厭誨人不倦。大明君子之教以育天下之才彌綸天地之
則祐仕優則學固無卒業之年人而為鬼鬼而為人未盡服勤之義妣成

一雪坡集及弟謝卒年蘇營。斗瞻重望顧登四海之龍門。天遂初得附九霄之鳳翼。沾寸階而非毒拜文席以為榮。平生所期一旦而攝。惟先

後有相湏之理。而感應亦必然之機。東坡慕歐陽子於兒時。竟歸門下。道原為司馬公之文學。遂入選中。立心素有於依歸。造化乃為之成就。使介甫為考官。則東坡在所不取。如熙寧用新經。則道原有所不能之觀。所迷亦繫於數。某生當後晚。志慕前修。雖愛讀東坡之文。無能為復。偶生在道原之里。竊慕其人。釣名射利之念甚輕。習國研時之心則重。獨於平日仰止高風。聞其論議。則以為今之歐陽敬其德。望則以為昔之司馬無階望。獨有志執鞭。偶來群試於蘭宮。恩值並持於藻鑑。恃斯文之有主。可肆斐狂。以直言而取令果。蒙賞識。盡雲霄之隻手。淮江漢之窮鱗。拔之眾人。所不好之中。有此諸卷。莫能及之。許賦或識其體字。公則稱其工緻於發明。論或疑其剽文。公則稱其奇傑而雋壯。謂之撫餘子而立其上。謂之必素學之飽於中。至於三策之敷陳。尤辱一言之獎借。如僕輩不可勝數。豈真在於下風。無論令今可行。安能動於人聽。雖過情之贅聞。亦定價於品題。舍旃含旃。苟亦無然。義為至善。類我類我。人則肖矣。獨以鉢傳方。憂身之察察。而受物之汶汶。乃謂人之諾諾。不如士之謗謗。不嫌金蹕。力與玉

未集錄卷第百五

九

古向來欲敬為南豐之辨香。今日乃得拜西山之風采。大章小技。豈盡所長。計義大閑。願與之立。必作硬脊梁之人品。庶為好脚跡之門生。一時未足以盡合異日當觀其立已。專從弛撓。自合樞名。屬當侍對於君庭。未敢謝恩於師席。舍館定而見長者。固負深懇。杖屢撓而侍先生。終修膚斂。既身仙舉。肉骨思深。冰言感藏。倘教背負。蓋恭遇某官。國家頃望。字宙直聲。古者有臣。如汲黯。斯堪矣。天下欲治。舍孟軻其誰代。言攜盤詰之客。作史兼權衡之筆。奉詔求古。為國搜賢。不遺菲葑。行廁弛李。其敢不力鞭所學。益礪厥修。為歐陽之蘇而不為之奇。為司馬之劉而不為邢恕。飲水食鹽。忍寒看梅。躋潔其身。弗於道。拂對三千字。已據殿陛之忠。結裹作第一流。庶不門墻之辱。心丹有縕。手墨未碑。及第謝鄭堂。啓平生志。願出正人君子之門。一旦進身。果在弟子門人之列。忝書而非喜。在爐冶以為榮。豈惟誇吾榜中之得人。蓋將稱於天下曰知已。雖至寶不為衆好。非妙耳。寧賞絕音。韓子之嗜好。則皆以為笑。憮東坡之學。或者亦謂之縱橫。然而有陸宣公則置韓於虎榜之間。有歐永叔則進蘇於龍門之上。非韓蘇之難得。蓋陸歐之罕逢古之奇聞。今者復見。小村如某。拙樣。骨肉之書。不愧。惟程朱之言是娛。求之有道。得之有命。不羨寵。

未集錄卷第百六

十

恩仍當日釋褐者。鄉老賓能已塵首舉。春官奏藝。獲玷乙科。仰承賜第之優。俯被章身之寵。抵膺甄彌。積凌競。竊以國家之治亂。惟合世道之廢興。有命。故立非常之事。必得非常之才。懷有為之資。必待有為之際。古今之理。不異。彼此之勢。相須以機。撲之能。寓則文王以寧以著。我之樂育則周士也。責逮諸侯之割據。及戰國之紛爭。皇之合猶且載貨而出疆。區之志。亦與分處而抗禮。蓋上有好。善忘勢之誠意。雖空虛。但因之類皆取而不疑。下無發某決科之空。考雖擗闡。揣摩之高。尚近於可用。斯宗廟賓客。所以各得其治。而革創潤色。所以不反之乎。未特無扶世導民之大猷。故有富國強兵之明驗。去周淺遠。由漢以還。德行道藝之書略而不講。經術詞章之尚更以相攻。或追推頌之汪洋。或追聖神之恍惚。既踐詳延之地。均為進取之資。孰不可以得。今終亦見之行事。在當時之寵辱。寔終已之枯榮。况設科至多。而進士最為高選。矧用人不一。而名公志出此。蓋惟得賢。則可立太平。惟顯俊。則可尊上帝。大欲成廟堂之勳業。小欲著臺閣之規模。自非天下之英才。曷副朝廷之本意。如某者。學不足以造道器。不足以適時。一鄉偶擅於儒家。諸祖盡登於文舉。遂服遇庭之訓。始為挾策之遊。然而親侍無嘉。既不能負笈裹糧以從師友。性資至介。又不能接席

永樂大典

卷一四一三

六二〇

群居以處校庠序以築坐井何見。謂當自勉乃博觀聖賢傳記之書。耻不自能為兼為義理聲律之智少也。偶爾長而過然干名之譽試辱再秉。志學之後寫書四上顧久嗟於不售詎敢意於有成。志目中眉竟憚初心之負。猶頂至踵尚榮今日之蓬共惟嗣聖仁明輔臣忠厚德隆上古如成王文帝之時。道叶大中。兼嘉祐熙寧之政實千載難逢之代。乃群英並進之秋。或何艷生亦值草會。此蓋伏遇某寫誠存博愛。度兼容得猶猶誘人之方。有善善樂終之意。不與其退固多揚屋之光。先為之容更及門墻之舊。遂令辱陁頽抹。追惟古人之懷所知寧有時已。雖君子不責其報。將如義何。追量匪穠。故可自愛無忘所業。豈惟宦官府之間。書不辱其門。安敢愧士林之風義。歐陽守道與齋集登第謝啓。奉對踰廣宜從顯熲。上恩寬大猶置末科。靖猶叨忝之由。竭出薦揚之賜。戴君之次。感德亦深。切惟朝家取人以文姑曰因其表而信其裏。書生由學入仕。亦將隨所寓而究所施。如視此以為平生之榮則幾何不負進士之目。試以策名之後。追念為士之時。丈史寄婿。莊生所謂南面之王。不與易。藜藿取給。蓋子嘗曰萬鐘於我又何加。惟戴復天地之間。有古今君臣之義。安能高麗遠舉。不在人間。然而幼學壯行。黑非天理。故近世儒宗。殆不廢舉業。謂名卿良而相何嘗由異途出處。非我所教。行止則時之可考。敢逃此生於無用。是謂盡其命之當然。此義不明。而碌是嗜。其於忠得誠可憫傷。夢寐不清。長被榮枯之作。崇詩書何用。祇為投合之良媒。初志既異。後未可想。或所繆非所性也。雖大功大烈。猶不得已之為。況能貴耶。能賤之。若一階一級。又何足道之有。嘗以為稷契伊周之業。本是第二義。而况孔孟顏曾之學。不盡見諸行。向上更不容言。而成物亦我所願。此大易也。蒙以下之事。而中庸内外時措之宜。流而山止而川。初無定質。油然雲沛然雨。何病太虛皆不為。則誰為之。謂之造則斯造矣。顧如虧匱無所覩覩。天嗇其高不足奮發於趨事赴功之烈性。局於隘。何以周旋於奉命承令之間。但可為宇宙中一幸生之人。而自謂國家事何至屬於我。有如去年賓興之詔。備寫當守才難之憂。非真能實藝。無以副時需。豈求小生所敢望鄉賦。猶以世為士類。時在壯年。依稀赴舉之行得之幸也。漫浪京之役出於偶然。旋叨奉籍之名。例拜出身之賜。暢然深省。報若為圖。此去公家即是委實為臣之始。從來一命可辨。濟人利物之心。須勉已之不能。以敬天之所付。曾之入選。假我閑居。親養得安。未奪班衣之榮。事可學儻無美錦之傷。惟曾中抱負之奇。覺意外遭逢之易。追惟獎借。允有依歸。茲蓋恭遇某寫

永樂大典

土

永樂大典

十二

間氣得天盛名。蓋世凜凜者立朝之節。溫溫散闢郡之才。粹乎端人正士之容修己以敬。純以君子長者之道。近仁而忠。更復蘆陵大明洛學。心傳古聖。又達今日之周程。人得宗師。仰見將來之揚謝。相期此邦之意。不淺。其為後學之幸何多。其親炙非疎受。知已素歌鹿鳴而勸駕。榮幸列於門庭。方第英選。實衡之古輶與魁倫。據失其安撫然自得。恭以國家華洪鬯之德。立太平之基。朝廷阜安。牧呂召。文章臺閣。高蹈商周之淳禮樂。膠庠。遂駕漢唐之右。何治臻此。貢賢効職。豈不由數路而求。上聞無壅。雖然茲一介之援官使。適當其取士也。周其得人也。雖然猶虛懷未決。側席尚勞。羊鷹草萊。弓旌嚴穴。無郡不趣駕。無鄉不獻書。雜選充庭。覽輝而下。光華達旦。督鑿自期。尚非學四部書。才萬人敵。無距蹕之近韻。有濟寧之深圖。則何以副上疇咨。為人舉首。如某者。生江湖卑薄之地。遠京師英雄之蹕。徒憑藉於家傳。復浸淫於儒治。然而解氣骯髒。不合古今經術。疏通難應。常敵每惟奉檄之遇。毒又讀考槃之卒章。以譽于際。俯身圖進。詔方牒元及第啓。楓宸序進芳拜於天威。臚唱下傳。遂登於選駟。名隸恩書之闈。平震報罷。豈謂日月居上。不弃幽而照臨。權衡在前。不擇物之輕重。未何嘗見。獨中科。蹉跎是下。中之材。敢當第一。之選。而能致此。信有由然。此蓋伏遇其官。宗師上。名器有名士。鈞映北。難追真宰之私。端木輪。困本自先容之賜。致茲淺厚。及此。旌揚謹當激昂。自持磨勵無玷。今而試治眷及清白之風。必也造庭。免阿諛之節。毋愆雅志。以答隆恩。劉輝謝狀。

元及第啓。楓宸序進芳拜於天威。臚唱下傳。遂登於選駟。名隸恩書之闈。平震報罷。豈謂日月居上。不弃幽而照臨。權衡在前。不擇物之輕重。未嘗見。獨中科。蹉跎是下。中之材。敢當第一。之選。而能致此。信有由然。此蓋伏遇其官。宗師上。名器有名士。鈞映北。難追真宰之私。端木輪。困本自先容之賜。致茲淺厚。及此。旌揚謹當激昂。自持磨勵無玷。今而試治眷及清白之風。必也造庭。免阿諛之節。毋愆雅志。以答隆恩。劉輝謝狀。

求璞。意欲精擇。熟當五難。在於明庭。尤責茂實。限晷刻而奉藝。延旬浹而

考本底摘或形雲澤相邈麗較哀然之選。卻收卓爾之賢。惟大薦其德者居之則宜。非深造乎道者得之為謬。上以副虛衷襟而顯後下以見際亨衢而正君。苟屬匪令曷鑒群議。如某者朴野庸質避辟寒門學無淵源幼則孤苦親亡而兄弟喪。背竭而賓舊跡。陋室晝局無華艷而自樂。斐形弔影佳洋梗以何之。繁空橐而起江湖。肩紅塵而客京闕。接連大學。雖鄙百端。漸濟訓言粹究經綸之略。觀競斗祿勉加篆刻之功。不自愧羞。時以進取兩寇士籍固非和氏之珍。一出春闈有類齊門之楚。默量空瑣欲退藏。幸逢盛辱耻為弃物。遂承明詔。再奮儒心。模濫齒於薦書。又例偕於奏籍。舉呈文於左轍。尤縮手於淵題。草傳僅成骯髒昧其端。塞難之常於在瘠。寐而弗皇。深憂關市之民賣而不售。宣意危巢之鶴鳴。慚驚合効敵在前。戰非心勝。素修武裝舉出不羈朝乃窮民暮躋魏。賴性義爾。宜有致然。茲蓋伏遇其官潤色帝猷。挺陶士類。權衡待物。日月照幽。擴撫采菲。何始終推轂之賜。致茲枯朽亦遂滋榮謹當充實四端。砥礪一節。少成事業。上答恩休。過此以還。未知所措。張全真謝第三名及第。恭。自惟陞質偶中巍科。領此遺逢。出於幸會。竊以六藝之學。自昔以傳道三代之古。無意於為文。道既失而章句始興。文變隆而義理愈騰。上則設為科目。以

取天下之士。士則競持技葉以應縣官之須。隨時抑揚與世馳逐。苟以辨取寵。不知其非爭為巧說。便辭以自售。明經者但懷青紫之意。稽古者迴食車服之榮。以彼其人初若可用。既施於事頗或不然。蓋夫實不至而唯名之求。利既勝而於道為病。今天子勵精求治。崇化尚賢務惟政要之謀。闢茲氣俗之障。俾造大廟奉聖門。勿事虛文。方下明詔發德音。詐應故事。所宜各露肝膽。著在簿編。料別其條。蓋言無講。上副諮詢之意。敢懷利祿之圖。苟某性本慙愚。身更貧困。竊易象之奧。粗識聖經之微。謂開物成務。蓋備於此書而極深研幾。斯可以御世。蓋嘗探赜索隱。俯察仰觀。內揆一身。外稽萬事。通知文武之道。求墜而猶存。不歸先輝之居。持是而安往。幸因秉拭復事聖明。自信于衷。敢肆肆其說。既深懾於猥弁。眾猶或病其間諱。竊憂雅圭之文有不應於甲令。又懼公孫之弟。且見貶於太常。豈期偶當上心。遂蒙親擢。處之數百輩之上。獨在二三人之中。重以不才。未何所取得之非。豈可謂至榮。此蓋伏遇其官親秉國鉞。上毗王政。居然化育。遂茲品物之宜。凡所稱譽妙盡推崇之信。故今公歎顯與甄拔。甚謹當自省初心。無忘故學。咸幾四十。雖未登無大過之年。德望二三。庶幾不違復之吉。或脫成於器業。庶仰答於恩私。謝及第。啓。猥以瑣材溢

登黃甲。自惟何者。曷克居該。竊以道德之科固有等第。文藝之事。至為淺微。雖在古則聖人之所弗先。而於今則儒者以此自見。國家稽倣前制。課試諸生。苟無能稱。類皆罷黜。凡其尤異。頗不棄捐。惟去留盡出於至公。而上下莫容於私恩。故失之者不敢有怨。而得之者無所歸恩。此本朝立法之良於進士。得人為盛。如某者。素不事學。何所取材。經周弗明。道未有見。至於自苦志力而莫致。稽古之效。粗修章句而一無應敵之能。所以十年之間屢被不勝。幸其氣之尚盛。不至三竭。而再衰。顧於文則已卑。僅出二中而四下。伏况年齡已壯。時命未遭。閱歲月以如流。恐功名之不立。抱其窮拙。將老丘園。迺有賓緣。獲見天日。方主上內懼有闕。退託不能。親屈帝尊。下詢治道。策所條對。皆可施行。而某以樸野。周匱之人。奉盛大高明之問。休揚危厲。不知所言。故周遷延幾。至失次於已。無心於上第。何慚尚列於丙科。視彼在前。邈焉弗及。使他人處此。或悔其太謬。不然。以其居之。則固亦甚喜過望。此蓋伏遇其官。上持王化。樂育人材。行以至誠。非但崇於空誦。稽諸故事。固不止於具名。方將獵天下之英。擧國中之秀。皆歸錄用。惟所指呼。致此凡庸。亦蒙甄取。唯兼收並蓄。願推君子之廣心。而報德酬言。敢負小人之素志。謝及第。啓。受榮人猥以不才。獲與諸生之列。冒

永樂大典 卷一四二三

六三三

一見而深為選舉之本意。將網羅於若人暨乎中世之陵夷匪復前蹤之勢。競學私謀於利祿。志靡在於經綸。棄舊俗者下脅而出幽求速售者變情而徇勢。高談王道謂周召而廼留夷考事功終官要之弗反顧規模之陋矣。嗟人物之眇然。肆吾皇之紹聞。屬昌期之興起。表章聖教。發明六藝之歸。潤色先猷。度越百王之上。方巍巍而措治。茲汲汲於得人。遵三歲之規。獎發由中之綱。借四方之計。朋來後萃之才。達宗伯之貞名。仰廣朝而臨哉。威顏忍足清問。丁寧格上帝而紹宗。行孝治而安社稷。慮萬微之有關合。群言而博詢。舉鳴臣愚。求博上旨。是必議論誠當世之路。文章追作者之風。講天人之際。如仲舒明治亂之原。如賈誼仰膺帝舉。庶協眾心。如某者性質甚卑。淵源猶淺。佩父師之教。詔樂朋友之漸摩。第求家學之傳。寧計世資之賜。嘗一行作吏。必將奔走於簿書。而萬卷有神。曷若周旋於簡冊。莫窺闕奧。徒積歲陰。懷素志之未充。懼修名之不立。慙汗慚愈。自謂無學而能致効。幼文韓耽。就有司而試舉。英豪之逸駕。之翰墨之新功。狀更欲前回。皇失次。幸諸公之遇聽。與多士以同升。釋縕離旒。脫泥塗之辱。馭風騎氣。獲從汗漫之游。內省愚庸。獨憂忝冒。蓋伏遇某官。善推引類仁。欲達人默付無心。可謂至公之選。一經精鑒。孰懷偶失之憂。士喜遇

水樂大典卷一百一十一

五

於知音。弊悉更於往轍。致茲薄技。玷玷殊科。某敢不克己好修。服膺知勉。仕非為祿。雖自肯於風心。才不逮人。恐漸忘於故鄉。誓益勤於大業。期少益於深知。通此以還。未知所措。陳誠之謝及弟。搖衣射策。仰酬樂哭之誠。大陸第同叩甲。爽然之選。祇膺洪春深切。輞以聖世搜賢。非止奉行於故事。儒冠奏藝。豈徒崇尚於虛名。欲其明於道。而達於時。是以考其言而求其幼。自成周取士之法壞。至西漢取人之路多。寢更魏晉之空疏。存歷隨唐之綺靡。風流蕪而操守無法。道術缺裂。而議論不公。又兄經術之弊。至於乖異而尚專門。辭章之卷。至於雕藻而暗大體。雖人材之盛。號出於流輩。而科目所得。何補於國家。追述上代之純風。尤屬中興之華旦。皇家投火講藝。歸馬脩文。詳延四海之時髦。荐講三千之里選。講王體而持國論。雜式資鈞軸之臣。下明詔而發德音。猶博訪草萊之古乘。謙冲而在御。發清問以曉處。俯收築石之言。盡捐擊掌之說。毋甚高論。撫文所以命張釋之。莫取虛名。盧歛所以告饑文帝。茲實大公至正之道。宜得絕類離倫之人。自非洞識時宜。詳達國體。如仲舒好亮平昔所繕者。蓋發於三篇。如姚崇自知始終所行者。不外於十事。則何以上副宸旨。下當泉心。如某者。承匪遇合。行惟脩已。執躅聖賢之訓。纂義詩禮之家。少成慕

曾省之三壯識愧。淵知之十歲。陞費館分經。舊占於無雙。李試鄉闈較賦。復居於第一。然而發解未廣。因躡尤多。意增益不能而先拂其所為。故厄絕不及而猶恐其或失。幸隨鳳詔。恭預鶴書。勉陪濟濟之俊。踰俄拂堂堂之中。陣十階。增價喜逢伯樂之知。一鳴驚人。頓聳齊庭之聽。退惟虛貴。實有黃緣。茲蓋伏遇某官。問世碩儒斯民。先覺蓄吾道不傳之任。振斯文久墜之餘。謂學者狃於見聞。競肆異同之論。以公道正其取用。敦教化之原。既嚴選以待真才。又兼收而無弃善。遂令辱墮亦預品題。某敢不益勵操修。碑全業。獲動警維鵠之謂。勉金製錦之能。滲流思生。上答飛龍之造。併懷庇厚。承懷棲燕之安。至此以還。未知所措。謝及第聲。獻采楓宸。敢意四慶之列。第名桂籍。俄矣六驥之聯。踰分已免。祝榮惟愧於皇烈考。聲新宏規。即義理之在人心。明道德以訓天下。士純習尚。莫夷雕篆之浮華。經有師承。別扶章句之固陋。越離明之繼照。佑人文以化成稽神措於熙豐昭前功。於宗觀廟都首善。濱學海之溯源。洋洋水水流廣化風之鼓舞。革歷世相因之科舉。選百王已墜之賓興。與周並休。自我作古。睿謀發定。淳議莫搖。大典肆頤。興情更慶。絃歌相贊。登老扶杖以傾闈。冠帶環居。遠夷解髮而向化。同中外咸仰聲明。雖樵叟笑不諉。王而懦夫皆有立志。

水樂大典卷一百一十一

六

中材知進於君子之域。曲士還比於大方之家。術業增崇。英豪間出。矧三年之比。沓來萬國之儒。扶搖搏北海之鵬。羽翼振西雖之鷁。巨魚縱堅快。若爭先。含庚鳴春。惡能自己。宜得方聞之彦。允膺簡拔之光。如某者。誠愧疏通。器非凝遠。才能至下。初乏豫章之知。鄉里常聞未探會稽之穴。零丁末族。孤苦餘生。早喪手澤之悲。中困鵠原之蹙。雖水霜之志。操有在。而土木之形骸。僅存。妄覬亨衢。慕從方餌。鄉書四上。屢叩前列之龜。禮部數奇。更類遇飛之鷁。誰念黃金之虛。擇蹉跎明月之賄。授進退茫然。遯回久矣。忘清時之自幸。幸新學之具修。泮游芹菜之游。葩鬯燈窓之樂。方首登於貢板。復溫中於春闈。宜胞鼠之技易窮。而鉛乃之剝難再。宣容僕伴。委玷。既收至於披典謨。渾灝之各拜禮樂制作之間。形庭貌家。仰先天之俯臨。寸晷迅馳。覺雄思之益。苦敷繹罔。揚推未工。即今攷古而事頗闇昧。以言足志而文幾亂。敲響上塵於睿覽。俾崇與於甲科。忝冒若斯。實緣有自。茲蓋伏遇判部侍郎。佐王遠業。命。永。富。才。德。厚。而。純。氣。剛。以。大。撫。循。京兆。又有去恩賜。秋官。世稱平允。上眷忠嘉之節。士仰衡鑑之公。是俾寸長得。倍殊。某敢不益修名。檢誠服官箴。勉所未能。期於有至。蹈復率循。於義命施焉。庶見於事功。上酬覆戴之恩。凌蒼吹嘘之力。過此以往。未知

所裁。晁之道謝及第啓。大廷獻策。嘗妄養於朴忠。哲鑒才。亦與榮
於群俊。豈愚者必有一得。蓋明主可為至言。幸非所宜。榮以為懼。切惟國
家柄大公而取古闢。數路以官令謂辭藻所以程才較精。以湖雲之賦。謂
經術所以造士。故首以周孔之文。試益謹於端門策。加詳於秘殿人思。在
列學愈專精。問里之間。莫不談於仁義。公卿之胄。駐獨美於膏肓。雖幸承
家無忘獻藝。競寫青箱之學。爭先黃絹之辭。直以捷逕而並趨。蓋耻前人
之不逮。上方勸學。士已成風。出此途多至名士。欲副甚盛之選。宜得非
常之才。如某者。學不通時。器非涉道。一官耶爾。似是馬曹。淺尚邈然不堪。
史職學孟軻之求己。甘鄧禹之笑人。雖獨好於簡編。本不長於科舉。勇懶
州綽。詎合先鳴。學謝公孫。果羞復上。徒以過時千載。食德百年。四世繼直
於書林。五葉睡登於辭級。始無虛榜。並繼芳塵。後生或以為難能。前輩亦
許其盛事。顧雖極頤。亦耻無功。幸三駕之有成。二十年之不調。窮雖借一。
氣尚當十。唯人才本出於下中。故名字難居於甲乙。圖王得保。雖匪初心。
轉衣為裳。未為失計。屬時家用。入與考官。當漢殿以臚傳。越周衍而告謝。
蟠坤贊善。父子知榮。雖甲鵠之未工。庶績貂之已幸。退猶忝冒。實有實緣。
此蓋伏遇某官。感德熙朝。高風蓋世。文章議論。後進宗師。道德淵源。九牧
稱歎。謂才所以為報。故使人樂其有成。博此辱膺。假之歲月。俾不迷於
薄領。庶或就於聲名。凡茲尺寸之功。蓋出懈懷之賜。某敢不盡益短志。期
揚厚恩。鑿望於階墀。力願彈於犬馬。既瞻三誥。自幼非才。醜獲一毫。竊
嘗有志。遇此以往。未知所裁。將第謝及第啓。紫宸射策。上塵已夜。之
觀黃甲陞華。申介三人之列。方流華肇體於舉首。而姓名忽次於臚傳。人
為之驚。已得不愧。伏以國家接千歲之統。文章同三代之風。凡公卿士夫。
鑄厚恩鑿望於階墀。力願彈於犬馬。既瞻三誥。自幼非才。醜獲一毫。竊
嘗有志。遇此以往。未知所裁。將第謝及第啓。紫宸射策。上塵已夜。之
觀黃甲陞華。申介三人之列。方流華肇體於舉首。而姓名忽次於臚傳。人
為之驚。已得不愧。伏以國家接千歲之統。文章同三代之風。凡公卿士夫。
鑄厚恩鑿望於階墀。力願彈於犬馬。既瞻三誥。自幼非才。醜獲一毫。竊
嘗有志。遇此以往。未知所裁。將第謝及第啓。紫宸射策。上塵已夜。之

望獎絕於清流。行或使之前。遂忘於太廟。嗟因獸之猶聞。俄死灰之復燃。
然孟明三舉以焚舟。僅成霸業。下和兩敵。而別足。幸遇良工。勉造明庭。欽
奉大對。超王陸方寸之地。瞻天顏咫尺之威。恭傳上閭之淵源。灼見中興
之樞要。輒引經誼。仰肩宸體。惟易一書。歷世三古。識非輔嗣。誰知初上終
始之文。才謝追之鳥。睹潔淨精微之義。追短譽。細繹成文。何草茅之微
言。誤晃旒之親覽。惟憚汗顏而血指。敢言志目而中眉。初無黃絹之辭。復
得青蓮之舊。收故物於三十年之後。竊異等於幾千人之中。百數何補於
特。曾參宜次於蕭相。衆者皆出其下。吳起敢先於田文。冒寵已多。歸思有
自。茲蓋伏遇某。富稟天閑。為世大賢。萬文武之全才。蘊經綸之妙略。忠
嘉許國。已深當守之知。典秉酬庸。併慰其瞻之望。梯航吾道。羽翼斯文。包
荒得尚于中行。采封無以次下體。致茲庸昧。亦預甄陞。斷木何知。誤被青
黃之飾。鏘鏘自躍。實繁陶冶之功。某敢不盡益短志。期
尚庶幾九萬之程。徇盜鷗期。不愧三千之客遇。此以往。未知所裁。石
敏若謝及第啓。揚眉吐氣。誓摩鵬翼之高程。血指汗顏。亦作龍門之下。
客戰之罪也。天實為之。竊有詩書無基於功名。文藝久卑於器識。嵇康未
嘗挾策。蒙憲橫行於萬人。相如不善決科。風采僅觀於一座。歷觀慷慨可
喜。之士類皆灑落不羈之才。橫閱靈府之宮廷。剏腐儒之章句。貳編缺
簡。耽為紙上之塵言。名山大川。攬作胷中之秀氣。平吞雲夢。而縱開步。長
揖乾坤。以無四旁。蓋抱其所得者。駿世驚俗。致施於有政者。凌宵聲鶯。後
世已矣。流風奈何。本真爛漫於英華。名節飄浮於奔競。偉服聚繫。動數百
群。枯腸寒况。無千卷安得巨力。障其額波。幸逢君子之持盈。恭仰大人
之繼照。龍思庠澤。蒸寰宇以交流。渙號溫能。雜歌聲而四起。祖慶曆寬平
之治。重元豐教育之光。聖經無復面墻。童子皆能執筆。掀揚小伎叱迅雷
灑露之遲。敲豁大運。觀白日青天之快。某也觀此居嘗慨然。如切如磋。而
師友起予。必躬必親。而父兄誨我奮發。綿召激昂壯心。知短聰之易流。惜
清時之難得。十年蒲蒼。莫窺鳳虎之文章。幾度桃花未肇。蛟龍之頭角。思
慰寶鏡之傾。望輶干三歲之賓。興獲見收。於鄉大夫。遂入貢於春官。伯況
皇都。搜拔之際。皆傑士奔騰而來。授五十擣之鉤。以釣震海之魚。開七百
里之羅。以啖載雲之翼。文才猛獸。詞森健鋒。鴻滿一簣。綠袍爛爛。則有雄鷹
孟東野。汪洋韓退之。變化轟雷霆。光彩赫天地。掉臂旁若羲和。自若飛
墨客之傲聲。鼓丈夫之氣焰。儒林根幹。直欺山木之百圍。筆陣波瀾倒泻
銀河之千尺。自笑淺識輕追俊遊。傾義匪懼。以追逐鈍解。零雨其濛。以推

永樂大典

卷一三一

六二四

驚儒騰蠶聲起而百官動。勃氣衝而群愁張。焦唇燥物者常然舐筆含毫者屢矣。執卑凡自得之貌而水炭於時筆飾在儉不脩之譖而錙銖於有司置在末梢預知如此。此蓋伏遇某宦廩庫全度捲包不能充為總角之兒童亦識先生之姓名。謫仙之高吟醉掃千首。焦遂之雄辯卓駕四筵。做觀軒冕之儻來。憲賦因園之歸去。雲泉漱玉激幽人豹隱之清腰帶垂金佩。天子龍飛之渥。擎捷進後進。分賓餘光。私隣謂薄之材未免抑揄之笑。雖充唐發尚辱膺門禁。敢不懷怯敵之餘羞。勉力行之後學。妄貪寸橘。遂衍俗吏之青衫。誰識此心長在古人之黃卷。熊子復謝及第啓。獻賢能之書屢偕於秋計。陳治安之墓。張弟於春廷。年漫老而可羞。名浪得而為懼。獨以設科不求實行。莫復於商周。對策徒尚空言。人孰追於昆蟲。非洞開家廊之見。冒振起拘學之文。熙寧天子之下。詢方講明庶事之闢。而眉陽蘇公之上疏。已識斥諸生之誤。厥後在元祐者專詆變易。居詔聖者盛陳繼述。惟上人先定於國晏則多士不至於學。非當聖君御極之初。固壞取勢。堯之議獨大臣秉鈞之久。每諱聞骨鰓之辟。地親攬於稚鵠膺。痛黜於附會降十行之訓。既節於有司。宜一介之謙言。豈虞於不第。如其者才底滯而無韻。學荒淺而不根。應舉覓官求免形蟲而篆刻實文。為活又獎踐走而畫墁。戮報罷於太常。每見憐於先達。今者方鎖闥之拆號。諸公猶恐其或遺。及淡墨之標名。舉子共憐其纏遇。未有作者之意。髮空酒時人之齒牙。既而旅見法宮試文陞謂聖明出治固魏。子其有成功則疎賤。進言宜卑之無甚高論。寧姑為半升之計。不敢犯咫尺之屬。聊落於白丁。恨注微於黃甲。盖伏遇參政妙宗道。憲雄帥文。壇學者仰如泰山。言皆折衷。蒼生望為霖雨。時即登庸。行大道以示公。得英才而為譽。遂使藩中之斷乃為席上之珍。甚故不極師友之淵源。振文章之光艷。直言極諭。雖莫昭於世科。博學宏贊。尚勉追於時策。亦可弗畔。不知所裁。史天秩謝及第啓。程文祕禁上。塵乙夜之觀唱。弟明庭幸遇丙科之選。龍光被體。愧汗溢顏。竊得志而澤民。儒以席珍而待聘。所學者立己。立人之事。所明者治家治國之經。晨炊不繼而有贍足。一切之心。俎禡不完而有衣被萬物之賴。立廣居而恭定。養大體以曲全。浩氣塞乎兩間。注量涵乎萬頃義之所在。一介不以取人。富若儻來萬鍾。何加於我。以禮動以義。皆不榮通不愧窮。守一性之宮庭。斥小夫之禽賈。草誠如在即安。頗卷之。剪。版契可捐出。應傳嚴之薨。此兩士者所以行己。而有國者。於此飲才。翩然遠谷之鶯。振若充庭之鶯。謀王體而斷國論。子以吐胃中之奇。登。

金門而上玉堂。故能任天下之重。歷古有作用。儒為先。洪惟治朝崇尚儒道。備成禮樂。頌有文章。主上以經術造古。而人不讀非聖之書。左右以儒雅飾吏。而世皆知王佐之學。治具修舉。人材作興。處賢閭者不厭簷廡。游鄉校者競好於佩山東山西。有將相之器。水南北無釣耕之徒。拜詔一頌鄉書四集。父子懷故向之學。兄弟擅機雲之名。揮袂如雲。進毫似煙。鳶飛魚躍。悉歸鼓舞之神。車度馬闕。盡入鞭馳之手。試業以三年之遠。改言於一日之長。宜得絕倫博習之才。以應側席詳延之意。如其者武皇道種。西蜀蠻生。聞詩餽鯉之庭。受教啖猪之手。襲青璫之舊物。對黃卷之聖人。不辭一字之師。謨習三冬之學。兩登鄉舉。旋試省闈。驅馳危棲之中。踐履畏塗之上。往復萬里。猶嘗膳之苦。跂仰一第。若登天之難。抱負塵編。接連故園。夜室松月。有客子之悲吟。春草池塘。無王孫之好夢。拜神而乞巧。三揖鬼以送窮。釣魚無得。而信守不移。盡虎未成。而揶揄者衆。間遇改元之赦。中宣毫舉之文。傷弓之羽。已怯於虛弦。獻璞之跡。又愁於再剖。踟蹰中路。荏苒六期。更闋四壁之琴。晝屢變一窓之螢。雲秋侵潘鬢。曉生悲愁。入瘦懷。向風流。長嘯音難。占顧影自憐。固嘗欲問金求田。又不忍裂冠毀冕。感桑榆之晚景。想塲屋之舊游。既叨再叙之恩。頗吐自鳴之氣。省額

六百餘冠萬千。偶於沙汰之中。亦在招延之內。南宮奏籍北闈宣題。策以道化而求設施之宜。質之象數而驗通貫之學。仰聖詢之微妙。頤素業之空跔患苦。言難就於闈華。東漁西獵。僅獲終篇。方懷報罷之虔。拜詳吉揚之命。天威燦目。臘唱駭魂。黃甲勑符。名精恩綸之重。綠袍手版身紓賜服之榮。脫白屋之塵埃。向青雲之歧路。靜言忝冒。實有黃緣。此蓋伏遇某官。絳帳大儒。青城名俊。譽高日下。望重斗南。歷試賢關。掃千人之筆陣。竭秘府紓萬丈之文虹。旋探石室之書行赴金鑑之右。溫顏如玉。咳唾成珠。羽翼斯文。鑑鑄後進。殘薪振響。最為堂上之音。敗鼓產瘞。苦作籠中之物。致使書凝之迹。復逢英授之收。某敢不飾厲常規。勉行所學。靖恭爾位。不違君子之威儀。歸潔其身。更尚古人之名節。庶全微志。上答洪私。陸務觀謝賜及第啓。明庭賜對農題甲帳之嚴規。札疏恩慕。并兩科之寵。感激深消渴。極汗顏。伏以明廷取士之方。固非一路。學者致身之始。又愚多岐。頃列聖宣私於後進之科。而群賢罕出於選舉之外。至膺特詔尤號異人。頌詩足以被絃歌。則晦先臣見於皇祐。文章足以垂竹帛。則王安國起於熙寧。或朋友借譽而不以為私。或兄弟當望而莫之或議。願推至當。誠無可慚。如某者。雖鄙而無奇。迂昧而寡要。自悲薄命。久積名場。敢謂一朝。